

Аллагънал рахІмат ва барачат



Хъамаличув хъамалу аврил, мунаха хІурмат баврил чиригу мунил даражагу АллагъначІа ﷻ хъинну хъунмассар. Хъамаличувнайну къатлун, хъуслин, кулпатран зарал бакъассар, так хайрди бусса. Хъамаличу барачатрацалли учІайсса, хъамал чІявусаксса барачат хъунмассар, неъматру чІявуссар. Мунайну тирханну хъуннассар, ххаришиву чІяруссар. ХІатта, хъамаличу увкІсса къини, байрандалул къинилун хІисавссар.

Хъамаличув цала диндалул уссил къатлунув увххукун, мунашал архІал азарва барачат буххайссар, азарва рахІмат ликкайссар. Му къатлул агъулданул циняв бунагъирттал аьпа бувайссар, циняв мурхъирдайсса чІапІал бакІрахсса бухъурчагу. Азара шагъиднануксса чиригу булайссар миннан. Мунал бувкусса гъарца лукъмалул бакІрахсса къамулсса хІажрал ва оьмралулксса чиригу шайссар, Алжаннаву къатригу байссар. Хъама-

личув къауххайсса къатлунув малаик къауххайссар, барачат чанссар, бахилтуран хІисавссар. Хъамаличув хъамалу ан ччисса, му увкІния тІисса, му учІаврия ххарисса, увкІлукун пашман къашайсса, ябакІ къабутайсса инсан Аллагънан ﷻ хъинну ххирассар. Ибрагъим идавсил ﷺ къатрал мукъва хъулу бивкІссар тІар. Хъамаличув цумунивух уххавивав тІий, къаралданий ивкІссар тІар. Мунаяр чІявусса хъамал ххирассагу цуцІав къаивкІссар.

Ва
номерданий :



Маркъатусса ТалхІат

лаж. 2



Сафар барз

лаж. 5



Щукрулул сужда

лаж. 7

Буллуманан — урцІаллий урчІва, лавсманан — ца

Бусурмантурал куннал куннахъхъун салам булаву дин-исламрал лишанни, муъминтурал сипатри. Саламрайну Исламрал агълу кІул шайссар. Дин-исламрал агъулданул бакъа мукунсса салам булаву цамур къавмдалул бакъассар.

ХъхъичІвасса умматирттал, цавайннал салам булаву къацІлий хъат дирхъуну бивкІссар, цайминнал канийну ишала дурну бивкІссар, вайминнал кІисурттал ишара даврийну бивкІссар, мажусинал салам бакІрал ишара дурну икрам бавури. Цайми хъхъичІсса умматиннал салам булаву суждалийну бивкІссар. Яла ххирамур, дин-исламрацІун бавкъумур — бусурмантурал салам булаву. Утти, му салам хъхъичІва — хъхъичІ буллумагу, булаву суннат бувну, ласаву фариза баврил хІикматгу, Аллагъ Тааьлал хъхъичІва-

хъхъичІ къалам ляхъан бувкун, мунихъ увкуссар: «Лаилагъа иллалагъ» увкусса махъ чича», — куну. Яла, му чивчукунгу увкуссар: «МухІаммадун Расулуллагъ», — чича куну. Къаламдалун «МухІаммад» кусса цІа бавукун, суждалийн багъну увкуссар: «Я Аллагъ, ттул Заллу, вил хъуннасса цІа ттун кІулли, муницІун лачІун дурсса «МухІаммад» цури, му щил цІари? — куну. Аллагънал ﷻ увкуссар: «Я къалам, ина адаб дува, му акъассания дунял, халкъ ляхъан къабавияв» — куну. Яла, му къалам МухІаммадлул ﷺ цІанил нахІушиврул ххя лавгссар. Къаламдалул салам буллуну увкуссар: «Ассаламу аьлайка я расулуллагъ» — куну. Му саламран жаваб дулунсса микку цуцІав тІий, Аллагънал ﷻ Цала дулуссар: «Ва аьлайка саламу, ва рахІмати, ва баракати» — куну. Муниятур му салам Къаламдалул буллуну тІий хъхъичІва-хъхъичІ

булаву суннат бувсса, ласавугу хъхъичІва-хъхъичІ Халикъсса Аллагънал ﷻ лавсун тІий, ласаву фарийза бувну бусурмантуралгу куннахъхъун куннал салам буллау аьдат дагъсса. Салам булаврил даражагу, чиригу АллагъначІа ﷻ хъинну хъунмассар. КІия бусурманчув цанначІан ца бивну, салам булукун, миннал чурххайсса бунагъру зизайссар. ХІатта, мукун бусурмантал кунначІан кув бивну салам булукун, иблис аьтІун бивкІун учайссар: «Гъай тунсса оьшиву, кІиягу данная ца личІий хъуннин, кІинналвагу аьпа бунни» — куну. Ялагу, му салам булаву суннатну, жаваб дулаву фаризану бунагу, буллуманан чире хъунмассар лавсумананнир. ХІатта, му салам булаврия ттуршва чире хІасул шайссар: миннун урцІаллий урчІва буллуманан бикІайссар, ца лавсъманан бикІайссар.

Хъюлустав цІусса имам

Ноябрь зурул 24-нний Лакрал райондалийсса Хъюлуссуннал шярваллил клубрал къатраву хъунни ххарисса мажлис. Шик-кун имамну зун увкІунни диндалул элму дурккусса инсан, цала шяравучу Дибиров Идрис-хІажи. Имам итавил мажлисраву гурт-ту хъун бувкІун бия Лакрал ва Ккуллал райондал шархъаватусса имамтал, Гъумучиял мадрасалул мутааблимтал, телевидениелуд зузалт ва шярваллил жамят.



хъуннасса къулагъас дуллалиссар. Му куцуй, жулва оьрчІру багъайкун тарбия буварча, чІун ларгукун шалва жамиятрангу рахІатшиву дикІантІиссар», – увкунни Идрис-хІажи. Мукунма, мажлисрай вяъза бувунни Дагъустаннал Муфтийнал кумагчи МухІаммадрасул МахІадовлул. Ванал бувсунни гъарца бусурманчувнан бивкІу хъама битан къабучишиву, цанчирча, щинчІав къакІулссар цанма цими ссихІ бигъин ливчІун буссарив ва дунияллий.



Мажлис бачин бувну ия Гъази-Гъумучиял райондалул имам Саламов МухІаммад-хІажи. «ХІакъинусса кьини шяраву зузисса имам чара бакъа икІан багълай бур диндалул элму дурккусса, тІайламур ва баякъу-

мур цумурдив бувчІин бан шайсса, буллусса суалданун шаллуну жаваб дулайсса. Мунияту Хъюлуссуннал шяраву Дибиров Идрис-хІажи имамну итлатиссар. Ттулгу жамиятрайн тавакъюри, суаллу буллай, дарсирдайн занай, оьрчІру Къуръан букин, чак бан лахъхъин заназі буллай ва имам паракъатну маитарі», – увкунни имамнал. Хъирив махъ лавхъунни цІусса имамнал: «Жунма цинявннан кІулли ялун нанисса ник тІайласса тарбияшиву дуллуну, хІакъсса ххуллийх бачин бан аьркиншиву, цанчирча, жува миннаха къулагъас къадуларча, гъунги жунна миннахлу жаваб дулун багъантІиссар. Мунияту, Дагъустаннал Бусурманнал Диндалул Идаралулгу му иширах



Гъази-Гъумуксса мадрасалул мутааблимталгу бия дакІини хъинну асар хъунсса мавлудру ккалай. ЦІусса имамнашал архІал Хъюлуссаннал шярваллий барачат бисиннав!

«Гъази-Гъумучиял тарих»

Уттигъанну Лакрал райондалул администрациялий хъунни Екатеринбурглиясса хъамаличувнашчалсса хъунабакъаву. Гъумукун увкІун ия «Инсан ва дяъви» тІисса халкъуннал дянивсса кинофестивальданул бакІчи Вадим Белолугов. Мунан Лаккуйн учІай гъира багъаврил саванугу хъуну дия АхІмад-хІажи Аьлишаевлул хІадур дурсса «Гъази-Гъумучиял тарих» тІисса кинофильм.

«2007-ку шиная шиннай гъарца шинал жу дувару «Инсан ва дяъви» тІисса кинофестиваль. 2008-ку ши-

нал жул фестивальдану гуртту хъуну, цалчинмур кІуну бувгъуссар аьпа биву Аьдуллагъ Аьлишаевлул кинофильмралгу. Мукун жу кІул хъуру «Гв-Чиркей» тІисса телеканалданушчал. Га шинал жу хІукму бувссия мукъахсса фестивальдай Аьдуллагъ Аьлишаевлул цІанийсса номинация сакин дан. ХІакъину ттунма Гъумукун учІан нясив хъуну бухъувкун, на ччай ура жула фестивальданул диплом булун «Гъази-Гъумучиял тарих» тІисса кинофильмрал автор АхІмад Аьлишаевлул – увкунни Вадиб Белолуговлул. Лакрал райондалул бакІчинал хъи-



ривчу Къюннуев Абакардул хъунмасса барчаллагъ увкунни циняв «Инсан ва дяъви» тІисса фестиваль дуллаи хІарачат буллалиминнахъ, хаснува Вадим Белолуговлухъ: «На хъинну ххарисса Гъумучиял шярваллил тарихраясса кинофильм мукун лавайсса даражалул фестивальданул финалдануун дуккария, мунил ккаккан буллалиссар жунма жула буттахъал сий, тарих хъама къабивтшиву», – увкунни Абакар МухІаммадовичлул. Мунияр махъ Вадим Белолуговлул Гъумучиял шяравух гайз бувунни: Муса Манаровлул музейравун, Гъумучиял къалалувун, Хъун Мизитравун ва цаймигу цІа дурккусса, машгъурсса кІанттурдайн.

Жул корр.

ХъуручІ бичай чІапа

Цаппарасса цІухлан бикІай, аьраб маз къакІулманал Къуръан буккаврия ци хайрди, мяъна дурчІлай дакъанура бувккусса аятирттава ци мюнпат ласун шайссар тІий. Хъунисса аьлимтурал луттирдаву бувсун бур Къуръан буккаврия хъунмасса чири бушиву ва мунил инсаннал дакІ марцІ дайшиву.

макъала: Расул Ибрагъимов

Ца бусалалуву бур муниссса масалагу: ца хъунав хъусса адимина гъарца кІюрххил чак бувну махъ Къуръан буккаврия ци хайрди? – куну. Пачливу хъуручІ бихълахъисса къужа оьрчІахгу урувгун увкуну бур: «Та хъуручІ бичайсса чІапа ласича, неххачІан лавгун, шинал бувцІуну ухъхъу», – куну. ОьрчІал бувну бур цала буттал буттал тІимур, амма шавай ияннин цинярда щин экъи ларгун дур. Пишгу куну къужлул увкуну бур: «Щин экъи къагъаншиврул, анаварну ачин хІарачат бува», – куну, кІилчингу оьрчІ неххамачІув гъан увну ур. Ва ххуллух оьрчІ левчуну авчуну ур, амма чІапа шаппай бачІва бивну бур. Къужлул увкуну бур: «Ттун бачІвасса чІапа аьркин бакъар, ина багъайкун хІарачат буллай акъахъурссара», – куну. Ми махъру къувтІусса оьрчІ ялагу неххайн лавгун, бувцІуну шинал чІапагу, цащава шайкун анаварну левчуну ур шавай. Амма ялагу чІапа дахъва хъавтун бивну бур шаппайн. Увххун ват-ват тІисса оьрчІ къужлул хъхъичІгу авцІуну увкуну бур: «ЧІалай бурив, чІапа шинал буцІаврия цукунчІавсса пайда бакъар», – куну. «Цукунни пайда бакъасса, ваних ургу!» – куну бур къужлул чІапагу канил бувгуну. Мьяйжанугу, хъуручІрал лухІи бувну бивкІсса чІапа утти виватугу къатІатугу марцІ хъуну бивкІун бур. «Ургу ттул арс, ина Къуръан ккалаккисса чІумалгу, вин цичІав бувчІлай бакъахъурчагу, мунил ина виватугу къатІатугу марцІ уллалиссара. Му куцуй Аллагънал жува тІайла буллалиссару», – куну бур къужлул.

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Главный редактор
Заурбек (Абдулла) ЯИКБАЕВ

Редактор
Иса ОМАРОВ

Канонический редактор
Курамухаммад МАГОМЕДОВ

Менеджер
Абдусабир АХМЕДОВ

Дизайн, вёрстка
Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации
ПИ № ФС 77-37006 от 29 июля 2009 г.

При перепечатке ссылка обязательна.
Набрано и сверстано на компьютерной базе газеты «Ассалам».

Отпечатано в ООО «Дом печати»
по адресу: пр-т Акушинского, 20

Заказ №

Тираж 1950 экз.

Сдано в печать 2 декабря 2013 г. в 17:00

Индекс 51388

Адрес редакции
367015, РД, г. Махачкала,
ул. Аскерханова 13а.
Тел.: (8722) 51-85-22.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru
www.assalam.ru

Маркъатусса Талхӱлат

Маркъатусса Талхӱлат увну ур 1878 шинал. Мунал бутта Къурбан Маркъав Ссугърацату увкӱн ур. Къурбан зий ивкӱн ур имамну. Га мадарасса хӱллай яхъанай ивкӱн ур Маркъав. Шикку ванал бувцуну бур Патимат тӱсса душ. Миннал дянив хъуну бур кӱня арс: Талхӱлат ва Муса.

Оьрчӱсса чӱмала Талхӱлат дуккавил итххьяв-хсса, диндалул элмурду ххирасса, гайннух гъейра бусса ивкӱн ур. Лахъхьин бувмургу лавхъуну, Талхӱлат буттал гъан увну ур дуклан Стамбуллайн. Тийх ххюра шинай дуклайгу ивкӱн, зана хъуну ур шавайн. Яла лавгун ур дуклан Египетнавун, тикку дуклай ивкӱн ур Ал-Азхар тӱсса Исламрал университетраву. Цала Къурбан лавхъуну бур дакӱних. Тиха зана хъуну махъ лавгун ур Астраханнайн, гиччагу Казаннайн. Цаппара шинну хъуну дур дарс дихълай Казаннайн Исламрал университетраву. Талхӱлат лагайсса ивкӱн ур цала буттауссичӱан. Мунал буттауссу яхъанай ивкӱн ур Новоросийскалий. Цал тихун лавгсса чӱмал му агъну ур циркравун. Циркраву ссихӱрчи ивкӱн ур халкъуннан ссихӱрду ккаккан буллай. Талхӱлат увххун щяикӱайхту, ссихӱрчинаща цичӱав бан къабюхълай, цибансарив къакӱлну ливчӱн ур. Яла мунал увкуну бур: «Шиву ттуяр цакъсса адимина ур, му шиву уссаксса ттуца цичӱав бан къахъунсар, тавакӱюри му инсан лавай изаву», – куну. Пишгу куну, лавай ивзун ур Талхӱлат. Циняв халкъ бивзун лавай тамашалий, ганан хъат ришлан бивкӱн бур.

Дагъусттаннайн зана хъусса чӱмал, Талхӱлат зий ивкӱн ур Шурагъ Исламрал отделданул хъунаману Мавраевлул типографиялуву. Цува цахъис ччаннай ацӱайхту, Талхӱлатлул бувну бур кулпат. Мунал бувцуну бур цала шяравасса Аьшат тӱсса душ. Бувну бур миннан кӱива душ – Хамисат, Мариян ва ца арс. Аммарив арс къашай хъуну ивкӱну ур. Хъунмасса хӱллай зийгу ивкӱн, Талхӱлат зана хъуну ур цала шяравун. Маркъав увкӱсса чӱмалгу Талхӱлат айивхъуну ур шяравусса оьрчӱан Къурбан буккин, чак бан лахъхьин буллай. Халкъуннал бусласимуних вичӱи диширча, Талхӱлатлул бацӱан байва тӱар нанисса чу, левххун нанисса чӱлму.

Ца шяравасса хъамитайпа бувкӱн бур муначӱан гъаттара бакъахъуну. Бурцӱил къабутан барцӱ бахӱи тӱий хъунмасса хӱллай миннат буллай бивкӱн бур. Талхӱлатлул ганихъ увкуну бур: «Му хъунмасса бунагъри – барцӱ бахӱаву. Ина насу шаппайн, вил гъаттара бучӱантӱссар». Мьяжаннугу, чӱл къавхъуну гъаттара бувкӱн бур шаппайн цичӱав къавхъуну.

Ца кӱини ккурчӱав арамтал, щябивкӱн буна, щил бивтуссарив къакӱлну, Талхӱлатлул урчӱамур канийн ккулла бивтун бур. Ккулла бивтун бур ганайн нигъа усан ан, чак-дин къадулланшиврул. Талхӱлат акъа хъуну лавӱн ур шярара арулла шинайсса. Муния махъ шяравун зана хъусса чӱмалгу айивхъуну ур ялагу



Маркъиял Талхӱлат

оьрчӱан чак бан, Къурбан буккин лахъхьин буллай.

Дакӱнин бутлай ур Талхӱлатлул уссил арс Жалут цала буттая бавмур: «Тул бутта буслан икӱайва. Талхӱлат кӱинибарххан диндалул луттирдахун агъну икӱайва, мискиннал чӱравгу ацӱайва, дуаь дурккуну мюрщисса оьрчӱру хъин байва, бавтӱну циняв оьрчӱру садакъа бачӱайва, цалва бувсса дарурай инсантал хъин байва». Талхӱлатлул цацӱанма бувкӱсса инсантал рязи бувну гъан байсса бивкӱн бур. Инсаннах урувгуну дакӱниймур бувчӱайва. Цала уссихъ бувсуну бур чӱл къавхъуну мурчӱи хъунсса ва ганахъ увкуну бур: «Тул уссу, винма чани буна Къурбан лахъхьин, яла вища къахъунтӱссарча», – куну. Гукун цахъва учайхту, Муса айивхъуну ур Къурбан лахълай. Цаппара хӱллава, чӱл къавхъуну Муса мьяжаннугу мурчӱи хъуну ур. Яла Талхӱлатлул бувсун бур чӱл къавхъуну цувагу ивчӱаншиву, вай махъругу увкуну бур: «Ттуятусса оьрчӱру-авлад я аваданну, я ккашилну тачӱав къабикӱантӱссар». Мунир махъ лавгун ур гъарца шяравачуначӱан цува хӱллал ити учин. Ивчӱан шанма гъантта ливчӱсса чӱмал халкъуннахъ увкуну бур: «Нюжмар кӱини маркӱачӱан чак буллалисса чӱмал, шамулчинмур ракаатрай на ивчӱантӱссара. Баргъ бивтун бунугугу щях ттурлу дикӱантӱссар, яла лачӱунтӱссар цӱимилул мюрщисса гъарал».

Цува уччинсса кӱанугу ккаккан бувну бур гъазитурал хӱлатталлив. Махӱлаттал хъусса инсантал щала вих къахъанай бивкӱн бур. Нюжмар кӱини дучӱайхту, ганал тӱийкун хъуну бур. Ивкӱну ур Талхӱлат 1939 шинал. Увччунугу ур гъазитурал хӱлатталлив.

Аьйшат Хӱажиева



Маркъиял щар

«Бисмиллягъ»

«Бисмиллягъ» Къурбандалул аятирттаву яла ххирамур аятри. Му аят ликканнин сурарду кунния ку личӱи бан къабюхълай бивкӱссар. Яла му ливккун личӱи бувсар. Масала, гъарца суралул аятру ликлай къуртал хъуну, гамур сура ликлай байбишайни «бисмиллягъгу» ликкайсса бивкӱссар. Мунирну Расулюлагънан ﷺ сура къуртал хъушиву кӱл хъанай бивкӱссар.

Гъарца чӱмал Жабраил малаик Расулюлагъначӱан ﷺ увкӱкун, ихтилат байбишиннин хъхьичӱ «бисмиллягъ» учайсса бивкӱссар. Муниртур му Къурбандалул кӱлану бувну, Къурбан буккайни учайсса. Му ликкайни мунищӱал архӱл азара малаикгу ливккссар, ссавнил агълу, циняв малаиктал ххари хъуссар, миннал иман зияда хъуссар. Аьршу-р-рахӱман, ссаврду сукку тӱн диркӱссар. Ттурлу машрикӱляту магърибрайн лирхъссар. Мурчал гъава паракъат хъуссар. Жиндри лажин лувну багъссар. Щяйтӱант ссаврундайн лахъаврияту байшун бувсар. Паччахӱтал къюккъю хъуссар. Му ливккун нанисса чӱуних гъарца хӱлвандалул вичӱи дирхъуссар. Му ливккун найни зунттал тасбихӱ дуллан бивкӱссар. Хӱатта Маккалал агъулданун бавну, утти Мухӱаммад ﷺ зунттавугу ссихӱр буллан ивкӱнни тӱн бивкӱссар. «Бисмиллягъ» Мухӱаммад идавсин ﷺ бакъа къаливккссар тӱийгу бур куннал. Кунналгу тӱий бур, му хъхьичӱва-хъхьичӱ Адамлуин ﷺ ливккссар, тӱий. Му ливккун Адамлугу ﷺ увккссар: «Утти имин хъунна на ттулва зурийятран аьзав дулаврияту», – куну. Му ивкӱкун ссавруннайн лавсун, кӱилчин Нухӱлуингу ﷺ ливккссар, мунирну мугу мунал агълугу тӱорпандалул бюкъаврияту ххассал хъуссар. Яла му ивкӱкунгу ссавруннайн лавсун шамуйлчин Ибрагъим ﷺ идавсингу ливккссар. Муниртуру мугу Намрудлул цӱаравун утаврияту ххассал хъусса. Яла му ивкӱкунгу ссавруннайн лавсун, мукӱилчин Муса идавсийн ﷺ ливккссар. Мунилли мугу оькъаврияту ххассал хъуну, Фираввнуаргу ххув хъусса. Му ивкӱкунгу, ссавруннайн лавсун, ххӱйлчин Сулейман идавсийн ﷺ ливккссар, мунал дунияллул паччахӱшиву дарцӱсса мунил барачатрайнури. Яла махъва-махъ Мухӱаммад Идавсин ﷺ ливккссар. Ахирзаман гъан хъуннин мунал умматиннаву буклай личӱантӱссар. Ялагу мунил ххирашиву: Аллагъ Тааьлал хъхьичӱва-хъхьичӱ цалва амру бувмур чичаван Къалам ляхъан бувсар кӱяласса ттеркӱюкӱяту. Яла Лавхӱгу ляхъан дурну, Къаламдалухъ амру бувсар: «Му Лавхӱрай чича», – куну. Яла къаламдалул увккссар «Лаббайк я Рабби, ци чичиви», – куну. Аллагънал ﷺ увккссар: «Хъхьичӱва-хъхьичӱ «Бисмиллягъи-р-рахӱмани-р-рахӱм» чича, яла Къиямасса кӱини дучӱаннин хъунмургу чича», – куну. Яла Къаламдалул «бисмиллягъ» чивчуссар, чичӱайгу арулттуршра шин хъуссар. Муниртуру – му гъарца луттирал аввалданийгу чичайсса. Яла Аллагъналгу ﷺ увккссар: «Тул Хъуншиврийн хъа, на Мухӱаммадул умматиннайтусса цаннал му учирча, мунал арулттуршра шинай дурсса эбадатралуксса чирчичинна», куну. Цала цимурца аьмалланул байбихъулий «бисмиллягъ» учайсса халкъуннал Аллагъ ﷺ ялтгу учӱайссар, ми аьмаллаву баракатгу бикӱайссар.

«Бисмиллягърацал» архӱл «Аоьзу биллагъи мина шайтани рражим» учавугу суннатссар, ххирассар. «Бисмиллягъ» кунма, мугу Жабраиллул Лавхӱлул-махӱфузраяту лавсун Расулюлагънан ﷺ кӱл бувсар. «Бисмиллягърацал» бакъа, цуппалу даин тӱийна ухъурчагу хъинссар. Кӱинилий ттуршилва ягу арултӱалилва, ягу мукъцӱаллий цалва ягу ацӱния цалвавагу учаву ххирассар. Хаснува щяйтӱаннул вавасру, хияллу дакӱнин багълай бивкӱкун чӱявуну учаву хъинссар. Мунир щяйтӱан нигъа бусайсса зад дакъассар. Му увккун мунаятгу щяйтӱан арх хъуну, шанттуршра пардав дянив дагъну, муначӱан биян къашайссар. Къурбан буклан наниний учавугу хъиннува хъинссар. Къурбандалул кӱла «бисмиллягъри», му хъун баймур, марцӱ баймур «аоьзу биллагъри». Мунирну уххан нанини цалва душманнаятгу ххассалшиву чӱа куну уххан аьркинссар. Мукунма цамур эбадатравун уххайнийгу, масала, паччахӱнал хъулийн ивсса инсан муная изну бакъана, муначӱан къауххайсса куну, Къурбан ккалай Аллагънащӱал ﷺ мунажат дуллан нанимагу маз марцӱ къабувну къауххайссар. Аллагъналгу ﷺ амру бувсар Къурбан буккайни «аоьзу» ва «бисмиллягъ» уча куну.

«Насихӱату-ль-авьам»

ЩяйтІан инсаннал даКІнівун буххайсса ххуллурду

Гьарца бусурманчувнай ялувсар хьиншивугу, хьинсса амалгу жунма лахъхьин буллалими ххирану икІан ва мукунма, оьмунин кІункІу буллалимий къабитан. Инсан оьмунин кІункІу байминнава яла оьмургу хъанахьиссар Аллагънал ﷺ рахІмулия арх бувсса, нааьна дурсса щяйтІан. Кьуръандалуву увкуну буссар (мяъна): «ЩяйтІан зул хіакъсса душманни, му душманнугу битияра», – куну.

макъала: МухІуттин Исрапилов

Цукунни щяйтІан душманну битан цукун аьркинссар чирча, мунин душманшиву дан аьркинссар Аллагънайн ﷺ мюгІий хьуну, бунагьирттая арх хъанай, гьарца байсса амалдануву ихлас, марцІсса ният дуручлай. Имам Гьазалинал луттираву чивчуну бур: «Инсаннал даКІ къалалуа лархъхьуссар. Аллагънал ﷺ душман – щяйтІан буссар мудан кьаралданий му къалалувун бувххун му цилва канихъхьун ласун. КьюкІ щяйтІаннуя дуручингу къашайссар, так му мивун буххайсса ххуллурду кІулгу бухьурча бакъа».

Ми ххуллурду хьину чІявусса бунугу, жува минуватусса цаппара Идавсил ﷺ хіадисирттаву баян бувмий кІицІ лаганну.

1. Сси бизаву. Мьяжаннугу, сси бизаврил инсан аьклулуца увайссар, аькьлу чан хьувкун, щяйтІаннугу гьужум байссар. Сси бивзсса инсаннашал щяйтІан тІуркІу тІун бикІайссар, мюрщи оьрчІру ттуплищал тІуркІу тІун бикІайсса кунма. Ца хъунасса валинал цІувххуну бикІайссар щяйтІаннухъ: «Ина инсантурай каялувшиву цукун дувара?» – куну. «На му угъара сси бивзсса чІумалгу шагъват гъаз хъусса чІумалгу», – увкуссар щяйтІаннул. Му куццуй иблислул инсан къякълун ишайссар.

2. Дукралул лякъа дуцІин даву. Уччиннин дукра дуркусса чІумал инсаннал шагъват гъаз шайссар, кьюкІлий къасават дакъайссар. Му шагъватгу хъанахьиссар щяйтІаннул яла гьужмур ярагъ. Ца чІумал ЯхІя идавсил ﷺ иблислухъ цІувххуссар: «Вища ттун ци бан хьунссар?» – куну. Ганил жаваб дуллуссар: «Ина уччиннин дукра дуркуну усса чІумал, на ина Аллагъ ﷻ кІицІ лагаврия машгъл уванна». «Ялагу ци бан хьунссар?» – цІувххуссар ЯхІя идавсил ﷺ. «Яла ттуща бан шайсса зад бакъар» – увкуссар щяйтІаннул. Яла ЯхІя идавсил ﷺ увкуссар: «На Аллагънал ﷻ цІанийну хъа буллау ура, тачІав ттула лякъа дукралул дуцІин къаданна», – куну.

3. Анаваршиву, ссавур дакъашиву. Жула МухІаммад Идавсил ﷺ увкуссар: «Анавар уккаву, щяйтІаннуятури, ссавур душиву Аллагънаятури ﷺ. Сси бивзукун инсаннал даКІнівун щяйтІаннул оьзшиву дутайссар, мунан цанмагу кІул къахьунну».

4. Дуниял хиирашиву. ЩяйтІаннун инсаннаву дунияллухсса ччаву ккаркукун, ганил му инсаннан дуниял хьиннура чІюлуну чІалачІи дайссар. Му пакьиргу гьантлуя гьантлуйн дунияллухух лагаву, гьаварал хьирив ачаву гуж хьуну, цанмагу къақІулна щяйтІаннул ххулийх авчуну, рухІ ласайсса чІумал иман дакъа личІан буюхайссар.

5. Мьяшшиву, чІурукъшиву. Мьяшсса, бахилсса инсаннал даКІнівун ххуллу ласун щяйтІаннун бигъссар, му чІумал инсан мурчІи ва кьюкІ хъусса куна икІайнутІий.

Аллагънал ﷻ баннав цинявпагу бусурманнан кумаг жулва душман – щяйтІаннуя бурувчуну бикІан! Амин.

Буллуманан — урцІаллий урчІва, лавсманан — ца

1 « Салам булайсса куцгу «Ас-саламу аьлайкум», – куну булунссар. Ягу: «Саламу аьлайкум», – куну. Ягу: «Саламуллагъи аьлайкум», – куну булунссар. Ца ухьурчагу, чІявусса бухьурчагу, мукун булунссар, цаннашалгу малаиктал бикІавай тІий. «Ва аьлайкум ас-салам» куну лагу ласунссар, буллума ца ухьурчагу, мунашалсса малаиктурайн аьм хьун. Чири гьарза хьун ччарча, «варахІматуллагъ» ххи банссар. «Ва аьлайкум ас-салам» – куну къабитарча, ацІва чири бикІайссар. «Ва рахІматуллагъ» чирча къува бикІайссар. «Вабаракатугъ» чирча зувива бикІайссар.

Ххавххун уна, къаласуншиву кІулманахъхьун булавугума хьинссар, къаласурча цалва ласунссар.

Салам булайналгу оьвкуну, лахъну баянну буллуну хьинссар. ХІатта кьюкІсса ухьурчагу, мунахъхьунгу лахъсса чІуний булун аьркинссар. Саламрашал бакІрал ишара дурну икрам баву къахъинссар. ЧІявусса аьрхІал буну, миннава цаннал салам булурчагу гъашиву дайссар. Му ласайналгу салам булайхту ласун аьркинссар. Бюхттулну, буллуннан баянну ласунссар. ЧІявуссаннахъхьун булурча, миннава цаннал ласурчагу гъашиву дайссар, мунил чири махънангу хІасул шайссар. Амма цинявнналва ласаву хьиннува ххирассар. Бавну буна, щилчІав къаласурча, циняв бунагьралун багъайссар, салам малаиктурал ласайссар, къалавснайнгу нааьна дурну. Мукунма, цувалусса адаминахъхьун буллуну къаласурчагу, малаиктурал лавсун, мунай нааьна дайссар. Салам булуннин цамур калам, ихтилат бангу къабучіиссар. Салам къабуллуна ихтилат буллалисса ухьурчагу, мунахъхьун жаваб къадулунссар.

Салам къалавснагу къабанссар цамур калам. Салам буллуну, лавсун махърив цаннашал цаннал нахІусса, хІалалсса ихтилат, калам бавугу ссуннатссар. Салам булаву мунийну камил шайссар. Бунагьраягу марцІ шайссар. Кару дугъавугу хьиннува ххирассар. МахІаббат, хІалават гьарза шайссар. Ччаву хІала духхайссар. ХъхьичІ ихтилат байбивхьуманангу хьиннува чири чІявуссар.

Саламгу бусурманчувнахъхьун бакъасса, жугьтІнахъхьун, дин дакъахъхьун, цІараха кьулугъ байманахъхьун булун къабучіиссар. Салам булаву инсан хьун авури, мий хьун баннив къабучіиссар. Бусурман акъаманал бусурманчувнахъхьун салам булурчарив ласун аьркинссар. Амма «ва аьлайкум» куну къабитанссар, «Ассалам» къаувкуну. Мунил мяънагу «Аллагъ вил ялув кьаралданий уссар» тІиссар. Бусурманталгу чапурталгу хІала – ккалану буну, бусурмантурахъхьун салам булун ччай ухьурча, миннахъхьун булун нийятрай булунссар, ягу «Ассаламу аьла ман иттабаъа гьуда», – куну булайссар. Мукунма, зулмукарнахъхьун, бидъаьлул агьуданухъхьун фасикъ-бунагькартурахъхьун, оьккисса хъярч– махсара булладинахъхьун, оьккисса хавардай

щя бивкІминнахъхьун, оьккисса аьмаллу буллалиминнахъхьун, хІарамсса мажлисрай щябивкІун бувччу хьуминнахъхьун къабулайссар. КІущин буллалиманахъхьун, шанашиманахъхьун, янна лирккун кІачІа хьуманахъхьун, хІаммамраву уманахъхьун къабулунссар. Ттучандалий, халкъуннаву дукра канакиманахъхьун, базаллуву машлук машгъл хьуманахъхьун къабулунссар.

бурттийманал, ттуккуй бурттийманахъхьун булунссар, чанминнал чІявуминнахъхьун булунссар, чІивиманал хьунаманахъхьун булунссар. Ххуллий цаннан ца хьуна авкъуну кІинналвагу аьрхІал салам булурча, кІинналвагу ласунгу аьркинссар. Цанналсса чансса хъхьичІун бувккун, цанналсса махън багъарча, махъналмур ссалам жабаб хІисаврай бикІайссар. Арамтурал хъаннихъхьун бу-



Цамур мажлисрай щя ивкІун канакиманахъхьун булун бучІир, амма къацІливу зад дуна къабулунссар. Мий иширттаву уманахъхьун булурча, ласун ялув бакъассар. Чак буллалиманахъхьун, Кьуръан ккалаккиманахъхьун, зикри буллалиманахъхьун, дуаь дуллалиманахъхьун, элму дуклай щя бивкІминнахъхьун, ваъза бусласиманахъхьунгу, хІукму буллалиманахъхьунгу, хутІбалух вичІи дирхьуманахъхьунгу къабулунссар. Азан-къамат тІутинийгу къабулунссар. Булурчагу, миннахъхьун ихтияр дуссар жаваб къадулун. Мий кунма цаймий салам булун лайкъ бакъасса кІанттавугу къабулунссар. Гьарца чІумал кунначІан кув бивтари салам булаву хьинссар. ХІатта, къатлувун кулпатрачІан ухтары миннахъхьунгу булаву хьинссар. Миву цучІав акъахьурчагума цахъхьунма цалва булаву хьинссар. Мукун салам булукун щяйтІан бувккун лихъайссар мива, шиву ттун кІану бакъар, – куну. Къатлуву хьинбала, барачатту зияда шайссар. Му саламгу малаиктурал ласайссар. Амма му чІумал: «Ассаламу аьлайна, ва аьла эбадиллагъи ссалихІин», – куну булунссар салам. Мукунма, му увкуну цучІав акъасса чІумал мизитравун, къуллалувун, цамур цучІав акъасса къатлувун, кІанттайн уххайнугу булунссар салам, Аллагънаятусса ﷺ тахІийятну бикІан. КунначІан кув биювкун ялун увкІманал лувманахъхьун булунссар, бурттигьунал ахьттаманахъхьун булунссар, чай

лунгу къабучіиссар, так цалла шарсса, ягу цанна гъансса, дуцин хІарамсса, ягу хьуннар хъусса духьурча дакъа, миннахъхьун булавурив хьинссар. Хъаннил куннихъхьун куннил булавугу – ссуннатссар. ОьрчІахъхьунгу булаву хьинни, амма миннай ласун ялув бакъассар. Цаннаятау цанначІан, кулпатрачІан, гъанминначІан, ччиминначІан, щичІан бунугу шаппату къатІув, къатІату шаппайн салам буси куну тІайла буккавугу ссуннатссар. Мунийну гъанминнал дянив ччаву, дахІаву цІакъ шайссар. Му цахъхьунма гъан бувнал бусавугу ялувссар, бусанна куну бакІрайн лавсукун. Къабусарча, мунил хІакъ мунай личІайссар. Бусанна увкуну, бусан къавхьуну буржлувну къаличІаншиврул «иншааЛлагъ бусанна» учавугу хьинссар. ЦачІанма гъан бувналгу ласаву ялувссар. Мув мукун гъан бувсса саламгу «ва аьлайка ва аьлайгъи салам» куну ласаву хьинссар, му лавсун увкІмагу хІала увну. Мукунма чагъарданий чивчуну гъан бавугу хьинссар салам, мугу мазрал булаврил кІанттай бацІайссар. Куннахъхьун куннал булайсса саламрал мяънагу чири чирча, «Салам» увкусса махъ Аллагънал ﷺ цІардаятусса ца цІар. Аллагънаа ﷺ цІа хьуннав зуйн тІиссар. Ягу Аллагънаа ﷺ цими салам хьуннав, тІиссар. Ягу Аллагъ ﷺ зушчал аьрхІалссар тІиссар. Ми мяънардугу даКІний дургьуну салам булаву хьинссар.

«ГьунчІукъатІан» тІисса луттирава


Сафар барз

Сафар зурул махъра-махъсса арвахI кьини (среда) мукъра ракааьт суннат чаклилгу дурну, яларай чирчусса дуаь дурккуну хъинссар.

Чаклин нийят дайссар: «На нийят дурунни бала-апатирттая буруччаврил ссуннат чак бан», –куну. Гьарца ракааьтраву «АльхIамрал» хъирив 17-ва сура «Аль-Кавсар» («Инна аьтлайнака...»), 5-ва «Кьулгъу», ца «Фалакъ», ца «Нас» буккайссар. Салам буллуну махъ яларай чирчусса дуаь дуккайссар:

بِسْمِ اللَّهِ الرَّحْمَنِ الرَّحِيمِ ، وَصَلَّى اللَّهُ تَعَالَى عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ ، اللَّهُمَّ يَا شَدِيدَ الْقُوَى ، وَيَا شَدِيدَ الْمَحَالِ ، يَا عَزِيزَ ذَلَّتْ لِعَزَّتِكَ جَمِيعَ خَلْقِكَ ، اِكْفِنِي شَرَّ جَمِيعِ خَلْقِكَ ، يَا مَحْسَنُ يَا مَجْمَلُ ، يَا مُتَفَضِّلُ ، يَا مَنْعُ يَا مُكْرَمُ ، يَا مَنْ لَا إِلَهَ إِلَّا أَنْتَ ، اِرْحَمْنِي بِرَحْمَتِكَ يَا أَرْحَمَ الرَّاحِمِينَ ، اللَّهُمَّ بِسْرِ الْحَسَنِ وَأَخِيهِ ، وَجَدَّهُ وَأَبِيهِ وَآمِهِ وَبَنِيهِ ، اِكْفِنِي شَرَّ هَذَا الْيَوْمِ وَمَا يَنْزِلُ فِيهِ ، يَا كَافِيَ الْمَهْمَاتِ يَا دَافِعَ الْبَلِيَّاتِ فَسَيَكْفِيكَهُمُ اللَّهُ وَهُوَ السَّمِيعُ الْعَلِيمُ ، وَحَسْبُنَا اللَّهُ وَنِعْمَ الْوَكِيلُ نَعْمَ الْمَوْلَى وَنَعْمَ النَّصِيرُ ، وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ ، وَصَلَّى اللَّهُ تَعَالَى عَلَى نَبِيِّنَا مُحَمَّدٍ خَيْرِ خَلْقِهِ وَعَلَى آلِهِ وَاصْحَابِهِ أَجْمَعِينَ

Бисмиллагъи ррахIмани ррахIим. Ва салляЛлагъу аьля сайидина МухIаммадин ва аьля алигъи ва сахIбигъи ва саллям. Аллагъумма я шадидалъ къува ва я шадидалъ миХIали я аьзизу заллат лиэззатика



жамиоь халкъика икфини шарра жамиэ халкъика я муХIсину я мужмиллю я мутафаззиллю я мунъэму я мукриму я ман ля илягъа илля анта ирХIамни бирахIматика я архIама ррахIимин. Аллагъумма бисирриль ХIасани ва ахигъи ва жаддигъи ва аби-гъи ва уммигъи ва банигъи икфини шара гъазаль явми ва ма янзиллю фи гъи я кафияль мугъиммати я дафияаль балиййати фасаякфикагъумуллагъу ва гъува ссамиоьль аьлиму ва хIасбуналлагъу ва ниъмаль вакилю ниъмаль мавля ва ниъма нна-сиру ва ля хIавля ва ля къувата илля биллягъиль аьлиййиль аззим. Ва салля ллагъу аьля набиййина МухIаммадин хайри халкъигъи ва аьля алигъи ва асХIабигъи ажмаэн.

Му кьини садакъа буну хъинссар, яла ххуймур чIунгу кIорххил чаклин акбар увкуну, чани хъуннин. Гъашину му кьини дагълай дур декабрь зурул 25-ннийн.

Дуаь: адабру ва шартIру

Инсан бусурманчув ухъурча, мунал иман дишин аьркинссар МухIаммад Идавсил ﷺ бувсун жучIанма бивс-са гьарца задирттайн. Идавсил бувсэсса ва бусурманчув мунин щак бакъа вих хъун аьркинсса зад хъанахъиссар, дуаь даврия хъунмаса хайр ва чири бушиву. Бусумансса инсан муний дакI дарцIуну икIан аьркинссар, щак тIун ихтияр дакъ-ассар.

макъала: ХIабиб Аьлиев

Дуаьлул дуссар цила шартIру ва адабру. Мунил шартIрдавацца ца хъанахъиссар дуаь дуллалисса инсаннал дукайсса дукра хIалалсса дикIаву, дуаь дуллалисса чIумал мунин жаваб дулуншиврий къанкъану вихну икIаву, дакI гъапулгу (Аллагъ ﷻ хъама ивгун) къаикIаву, бунагъсса ягу гъан-маччаминнащалсса хIалашиву къукъин дайсса тIуллу къадаву. Мукумма, къабучIиссар бусурманнан заралсса зад чIа тIий дуаь дуллан ягу бикIан къабюхъайсса зад чIа тIун.

Дуаь даврил адаб хъанахъиссар му дан ххирасса чIун дургъуну даву, масала, чаклил суждалуву кунма. Амма чакливу аьраб мазрай дакъа дуаь дан къабучIиссар. Аьраб маз къакIулманал мазрах къадурну, дакIниву дан аьркинссар, цанчирча, дуаь чара бакъа лахъну дан аьркиншиву дакъассар, дакIниву дарчагу бучIиссар. Дуаь дуллалисса чIумал чаклин ивссуну икIавугу хъинссар, мукумма, дуаь даннин хъхъичI чак бавугу хъинссар, кIира ракааьт суннат-чаклил дарчагума. Дуаь дайсса чIумал, чакливу кунма, Кьиблалул чулухунай кIура аявугу хъинссар. Кару гъаз дурну, ссавруннайн дурган даву хъинссар. Дуаьлулу цала бунагъирттая тавбу даву суннатссар. Дуаь дайдишин аьркинссар Аллагънайн ﷻ шукругу баврийну, «АльхIамдулиллагъ» ягу «АльхIамдулиллагъи рабиль-аьламин» увкуну. Хъирив Идавсин ﷺ салават дутайссар, масала, «Аллагъумма салли аьля сайидина МухIаммадин ва аьля али сайидина МухIаммадин ва саллим» куну, ягу цамур винна кIулсса салават дуртун. Яла винам ччисса зад чIа учайссар. Дуаьлул ахирданийгу, дайдихъулий кунна Аллагънайн ﷻ шукругу буну, салаватту дутайссар. Му бакъассагу, дуаьлул дянив салават дутавугу хъинссар.

Цала дуаьлухъхъун жаваб дуллуну ччисса инсаннал вай шартIру ва адабру биттур дан аьркинссар. Адабирттах ва шартIрдах къулагъас къадурну, дуаьлухъхъун жаваб дулунсса тIисса хъул цукун бишиви.

Дуаь даву лагънал пишари, жаваб дулаву Аллагънал ﷻ ишри. Аллагънал ﷻ дулайсса жавабругу личIи-личIисса дикIайссар. Цал-цал чIа увкусса куцуй анаварну дулун бюхъайссар. Цал-цал чIа увкумур дулайсар, амма чансса махъун дуртун. Бюхъайсар дуаьлуву кIици ларгмур къадуллуну, мунин кIанай цамур зад дулунгу. Мугу ччяни ягу чIалну дулун бюхъайссар. Ца-ца чIумал дуаьлухъхъун жаваб ахиратраву дулун къадитангу бюхъайссар. Мунияту бусурманчувнал дуаь хъинну чIяруну дуллай хъинссар, жаваб дулунссар тIисса хъулгу бикIан аьркинссар. Аллагънал кумаг баннав!

МахIатталсса бусала

Мукъулчинмур ссавний хъуна бавкъуну бур кIива малаик. Цанна ваманахъ цIувххуну бур: «Ина чунай най ура?» – куну. «На най ура ттуйнма тапшур бувсса ца аьжаивсса амру биттур баншиврул», – куну малаикнал бувсун бур му ци амру буссарив: «Ца шьагърулий бивкIу гъан хъуну накълу шавай ур ца жугъутI, мунан ччан бивкIун бур балугъ букан.

Амма мунан ччисса балугъ му усса кIанттавусса щинаву къабикIайсса бур. Ттуйн буюр бувунни мукумса балугъ льявкъуну, га неххавун бувтун, жугъутIнал балугъ бугъан гъан увсса инсаннахъхъун бириян бан», – куну. Циванни Аллагънал мукум бувсса? Га жугъутIнал бувсса циняв хъинсса аьмаллахсса жазаь Аллагънал ﷻ мунан ва дунияллий-ва буллуну бур. Махъва-махъсса хъинсса аьмалданухлугу ганан бивкIулучIа балугъ буллуну къаивтун ур. Чапуртуран чIивисса бунугу хъинсса аьмалданухсса чири ва дунияллийва булайссар, ахиратлувун къакъабивтун.

Яла вама малаикнал цIувххуну бур: «Ина чун най ура?» – куну. «Нагу ура вилмунияргу махIатталсса буюр биттур бан най», – куну бур ванал, – «Ца шагърулий мува куцуй бивкIуллул шаний ур бусурмансса адимина, мунангу ччан бивкIун бур накI хIачIан. Мунал бувсса циняв бунагъру Аллагънал ﷻ шювшунни баларду, захIматшивуртту, цIуцIавурду гъан дуллай. Так ца бунагъ ливчIун бур ганал дарвачрай. Нагу най ура ганан дулунтIисса накIлил кIичIу шяв бувтун, накI экъи гъан дан, га бунагърахлуну кафаратну хъуншиврул», –



ДухIан багъсса захIматшивруттал бусурманчув бунагъирттая марци увайссар.

куну. Му куцуй, Аллагъу Тааьланал цанма ххирасса лагъартуннайн бала-апатIру гъан буну, ми бунагъирттая марци байссар, ахиратлуву миннан ссахлучIав жаваб дулун къабагъаншиврул.

Къуръандалулу бур укунсса мяъна дусса аят: «Оьсса аьмал, бунагъ бувманан мунихлу жазаь булунтIиссар» (Сура ан-Нисаь, 123 аят). Абубакар-асХIабнан ﷺ му аят бавукун увкуссар: «Я Аллагънал Идавс! Бунагъ бакъасса цу уссар?» – куну. Цайми асХIабталгу паш-

ман хъунуссар. Микку Идавсил ﷺ увкуссар: «Вил ялун пашманшиву, цIуцIавуртту, бала апатIру къаби-ййрив?» – куну. «Бияй, я Аллагънал Идавс», – куссар Абубакардул ﷺ. «Мийри бунагъирттал кафарат. Ва дунияллий зун аькъуба дулла-лиссар зу Аллагънащал ﷻ хъуна бавкъукун, марцину бикIаншиврул. Чапуртуранмур аьзав ахиратлуву дикIантIиссар», – увкуну бур Идавсил ﷺ.

«Танбигъул аьвам иля дяъватиль Къуръан» тIисса луттирава

Чара бакъа дан аьркинсса барашина

ИСЛАМ КЪАМУЛ ДАЙССА КУЦ

Исламрал диндалул ххюрагу рукнурдал хъхьичИра-хъхьичИмур рукну шагъадат дутавури. Мий рукнурдаяту хъхьичИра-хъхьичИ ялув дурмур рукнугу мури. Исламрал ттарцIгу мури. Махъми рукнурду му шагъадат камил даймири. Му дакъахъурча, вайми дурус къашайссар.

Шагъадат дутайсса куцгу «Ашгъаду алля илягъа илляЛлагъ ва ашгъаду анна МухIаммада-р-Расулюллагъ», – учавури. Мунил мяънагу: «Ашгъаду» на барашина дував ттулва чурххан нава кIул буллай, баян буллай, мяйжан буллай, хIакъирай ттулла дакI цIакъну дацIан дурну, мютIийну, къамулу, щалвагу аьлам ляхъаву далилданийну, «алля илягъа» Цал ба кумунилу, мабара кумунилу хъирир най, Цаха лагъшиву дайсса цичIав шайъ дакъашиврий, «илляЛлагъ» ца Цуванусса, ссайнчIав хIажат къашайсса Аллагъ ﷻ акъа акъашиврий, «Ва ашгъаду» ялагу на барашина дував, мукунма ттулва чурххан нава кIул буллай, мютIийну къамулу, «анна МухIаммадан ﷺ» хIакъну МухIаммад ﷺ ушиврий Аьбдулагълулу Аминатлулу арс, цувагу Маккалив увсса, Мадиналив увчусса, Къурайш тухумдалиятусса, «Расулюллагъи» Аллагъу Тааьланал хIакъирайну

халкъунначIан Цалва хIукмурду биян бан гъан увсса илчи ушиврий, хIакъшиврул, тIайлашиврул аьлама-тругу мюъжизатругу загъир дурну, муналгу минначIан биян бувшиврий. Ва куццуй, мяънагу кIул дурну, муний дакIгу дацIан дурну хъхьичИ-хъирир, лув-ялув му махъ чара бакъа учин

ва ца куну, ца къакуна битарча, ягу хъхьичИ-хъирир къачирча, хъхьичИмур махъ, махъмур хъхьичИ увкуну, ягу лув-ялув къачирча, «ашгъаду» кусса махъ цуппа аьрабрай къачирча, Ислам барт къалагайссар. Къасттирай къатIий ухъурча му къафирди, ягу мунафикъри. ХIатта Аллагъу Тааьла-

МухIаммада-р-Расулюллагъ» увкусса махъ тIий байбивхъуссар, цува ляхъан айхту лахъсса чIунийну. Къукъин къабувну, ссихI къалавсун тIийна уссар. Къиямасса къини дучIаннин цал учинтIиссар. Му увкуну къуртал шайхту Аллагъу Тааьланал амру бантIиссар Исафил-малаикнахъ сурданувун уф уча куну. Му чIумал Къиямасса къинигу дучIантIиссар. Му шагъадат дутаву мазрал дайсса эбадатри, тIааьтирттава яла ххирамурди. Му чIявуну учавриву АллагъначIа ﷻ хъинну хъунмасса чири буссар. Къасттирай дакI марцI дурну, му шагъадат дуртсса инсаннал зумату ца щоллисса лелуххи буккайссар, якъут ттеркъукъирттал дуршусса кIяласса хъаттирдаштал ца Маширикърайн, ца Магърибрайн дирсса, Аьршу-РахIмандайн бияннин левххун лагайссар, найрал кунмасса чIунишал. Му махъ увкусса адаминал бунагъирттал аьпа къабувссаксса ца кIанай къабацIанна тIий лехлай бачайссар. Яла Аллагъу Тааьланал мунин арулцIалазарва мазгу кIул бувну, му махъ увкусса адиминал аьпа ба тIутIу куну, амру байссар гъарца мазрай Къиямасса къини дучIаннин. Яла Къиямасса Къини дуркIун му инсан уттава увну ивзукун, бувкIун мунал ка дургъуну ссиратIрайхгу лахъан увну, Алжанувун уххан айссар.



аьркинссар. Оьрмулий цал учаву фаризассар, укъавкуну чара бакъассар, му къаувкума бусурманчув къашайссар, даин тIутIаву ссуннатссар. Амма чапур шаву ялун диярча, масала, чапур шайсса зад я канища, я мазраща бувккун, му чIумалгу цIунилу шагъадат дутангу ялувссар. Шагъадат мазрал къачирча, ягу дакIнил тIайла къабувна тIурча, ягу мяъна къакIулна тIурча, ягу минну-

нал дуниял, халкъ ляхъан баннин хъхьичIава цана цувану усса чIумал цанна-цалла барашина дурну увкуссар ми махъру. Шагъадатрал ххирашиврул хавар Идавсияту ﷺ баври куну бувсун бур луттирдай, Аллагъу Тааьланал ца малаик ляхъан увну ур лухчичиссав ляхъан даннин хъхьичIава. Му малаикналгу «Ашгъаду алля илягъа илляЛлагъ ва ашгъаду анна

Чакливу ацIайсса куц

Чаклил шартIирдава шамулчиммур шартI – къиблалийн лажинну ацIавури. Къибла чайссагу, Къяба – БайтуЛлагърайнни. Мугу буссар Дуньяллул дянив кунма. Гъарца дуньяллий чакру буллалиминнал мунийн кIура бавнур буллалисса лагмава.

авцIуну банссар. Мунияту архну, му ххал къашайний, лахъисса манзилданий буллай ухъурча, БайтуЛлагърайн тIайла хъунсса куццуй авцIуну банссар. Ца чансса тиху-шихунай ачтарча, чак хIисав бакъассар. Къибла цумур чулий буссарив кIулну ухъурча, масала, мизитраву уну,

бюхъайсса ухъурча. Мукунгу кIул бан къахъурча, ттурлу дуну, цIан дуну, цIансса кIанай уну, чак байссар цукун барчагу, чаклил чIумул хIурматран. Яла тIайласса къибла кIул хъувкун, хъиририву лахъайссар. Цува кунасса, къибла кIул бан къакIулсса инсаннайн вих хъуну къабайссар. Къибла кIул бан къабюхъайсса ухъурча, ягу мурчIисса ухъурча, кIулманайн вихну чак байссар.

ДакI дарцIусса, тIайласса къиблама (компас) духъурча, мунийгу хIукму бан бучIиссар, жулва кIангтаву. Чак цукунчIав Къябалийн тIайлану бакъа бан къабучIиссар, ца озру бухъурча бакъа. Амма, хIалалсса сафарданий нанисса мусапирнан, сапар кутIасса бикIу, лахъисса бикIу, най уна цува нанисса чулухунмай суннат чак бан бучIиссар, чунай кIура авну най ухъурчагу. ХIатта, буртгий най ухъурчагу. Ахътта най ухъурча, цал къиблалийн лажинну авцIуну чакливун увххун, яла «АлхIам» (сура «Аль-ФатихIа») буклай ачинссар цана ччимур чулухунай. Яла, рукюъ дайний, сужда байний къиблалийн лажинну кIура авну банссар. «АттаХийяту» дуккайнигу ивзун ачинссар. Яла, най уна салам булунссар. Буртгий най ухъурча, къиблалийн лажинну кIура баян бангу бюхълай, рукюъ, сужудгу тамамну, ххуйну дан бюхълай бухъурча, мукун банссар. Къабюхълай бухъурча, къиблалийн лажинну чак бавхIуну, яла чунай унугу най уна банссар, рукюъ, сужудгу ишаралийн дурну. Амма, цува нанисса чулухунай акъа, ягу къиблалийн лажинну акъа, цамур чулухунай кIура аян къабучIиссар.



Къябалул чулухунмай хъазам буруган къабувну бувсса чак хIисав бакъассар, ца багъан бухъурча бакъасса, масала, къашавай уну кIура аян къашавай, ягу аьвхIуну увтун уну, ягу гъазават буллай уна бувсса чак. Му чIумал цукун, чунмай барчагу бан бучIиссар. Къябалул вив чак буллай ухъурчагу цумур чулухунай урувгун барчагу хIисавссар. Мунил къатIув буллай ухъурча муних урувгун, цанма ччимур чулух

ягу цала шаву уну, ягу КъябалучIан гъанну уну, ягу бургъийну, цамур аьламаатрайн дакI дарцIуну кIулну, му цанма кIулсса куццуй банссар, цаманал мукъух къаурувгун. КъакIулну ухъурча, цаман дакI дарцIусса, цаяла кIулсса ухъурча, мунахъ цIуххинссар, мунайн вихну банссар. Мугу къалякьирча, цал ижигъад (мяйжанмур, хIакъмур кIул баву) данссар бургъийну, зуруйну, цIурттайну, цайми лишаннайну, миннуйну кIул бан

Ссайгъат баврия

Цаннал цаннан укра зад дулаву, ссайгъат баву ссуннатссар, Аллагънал ﷻ ххуллий, Аллагъ ﷻ рязи ан дуллай ухъурча. Му дулайнигу, «на ва хъус вин укра дулав», – куну дулайманал учин аьркинссар. «Нагу къамул дурссар» куну – ласайманалгу учин аьркинссар. Мукун къакуну, ссихI къадурккуну дулаврийну залду къашайссар.

Укра дуллуну цаман заллу увсса хъусгу кIилчин дула куну махъуннай ласунгу ихтияр дакъассар, так ниттI-буттал цалва оьрчIан укра дуллусса хъус дакъасса. Миннахъ ихтияр дуссар махъуннай ласун. Му дуллалимур цурда духъурча талап къадурну, цаманан къадуллуну. Мукунна ихтияр дуссар буттал бутталгу, ниттил ниттилгу цалва оьрчIал оьрчIан дуллумур зана дангу.

Цаннал цанначIан ссайгъатран зад гъан давугу ссуннатссар. Муналгу му ссайгъат къамул баву ссуннатссар. ХIатта, чапурчувнал гъан бувну бучIарчагу къамул къабувну махъунмай кIура баян бавугу хIарамссар. ХIалалсса ххуллий ссайгъатран дуркIсса зад цаманан даххавугу къахъинссар, цалва мюнпат ласаву хъинссар. Дукайсса зад духъурча, мунияту чIаравминнан дулавугу хъинссар.

МарцIсса ниятрай бакъа, ца хIисаврай, цанма хъинбала тIалав буллай, цалла аьркиншиву барт дигъиншиврул гъан бувсса бухъурча, мунал мурад барт бигъингу къахъурча, му чIумаллив махъунмай кIура баян бан ялувссар.

Хаснува, ца иширал залунначIан, хIакимначIан ссайгъат бучIарча лулттурасса хIисаврай, цалва иширах урганшиврул, мунал къамул бангу къабучIиссар.

«ГъунчIукъатIан»

Щукрулул сужда

Щукрулул сужда баврил даража-гу, чиригу хъинну хъунмассар. Цанчирча, муъминчув суждалийн агъувкун, щайтIан муначIату агъий лихъайссар: «Вай ттунсса оышиву-хIасрат, инсаннахъ Аллагънал ﷻ сужда ба куну, амру бувну мунал сужда бувунни, муансса Алжан. Тгухъ Адамлуйн ﷺ сужда ба куну, на къабувну, ттунсса дуржагъ» –

куну. Аллагънал ﷻ лагъ цала ЗанначIан ﷻ яла гъан шаймур чIун – суждалийн агъесса чIунни, мунир ххарисса эбадатгу дакъассар. Щукрулул сужда баву хъинссар винма ца неъмат хIасул хъуссаа чIумал, масала, арс увну, ягу хъус хIасул хъуну, ягу ца ххарошиву ялун дирну, ягу къурагъсса чIумал гъарал

ларчIун, мукума цайми-цайми неъматирттахлуну. Ягу балаллуя ххассал хъуну, масала оыкъаврия, агъаврия, гъалак шаврия, минну-ха лавхъхъусса иширттая ххассал хъувкун. Щукрулул сужда бан ччиса инсан чаклингу ивссуну, Къиблалул чулинай кIурагу авну щайкIайссар. Яла ният дайссар: «На ният дував щукрулул сужда бан», – куну, чакливу кунна каругу гъаз дурну «Аллагу акбар» куну суждалийн агъайссар. Суждалу-ву дуккайсса укунсса дуаъ:

سَجَدَ وَجْهِي لِلَّذِي خَلَقَهُ وَصَوَّرَهُ وَشَقَّ سَمْعَهُ
وَبَصَّرَهُ تَبَارَكَ اللَّهُ أَحْسَنُ الْخَالِقِينَ

«Сажда важгъия лиллази халакъ-агъу ва савварагъу ва шакъа самъ-агъу ва басарагъу табаракаллагъу ахIсануль-халикъин». Яла лавай гъаз шайсар «Аллагу акбар» увкуну, каругу гъаз къадурну. Сужда бувну махъ ягу балаллул увгъусса, цуцлаврил увгъусса, дякъил увгъусса, аьрччасса, мурчIисса инсан ккавккукун, ягу бунагъ буллалисса, аьсивсса, оьсса инсан ккавккукун «АльхIамдулиЛлагъи-ллази аьфани мимма-бталака бигъи, ва фаззалани аьла касирин мимман халакъта тафзила» учавгу хъинссар цува мукунс-са акъасса щукрулул.



Аллагънал ﷻ рахIмат ва барачат

1 « Къатлуву хъамаличувнан личIи бувсса, муан хастъ-сса къатта бикIавугу суннаттсар, чириссар, къатрал закат мури. Му хъамалу уван, хIурмат буван, хъун уван хIайван биххавугу суннаттсар. Чапурчув хъамалу учIарчагу, хIурмат баву лайкъссар. Хъунасса Расулул-лагъума ﷺ хъамаличув увкIукун, му хъамалу уллай лавай ивзун ацIайсса ивкIун ур, хъамаличув усса кIанай ма-лаикталгума щя къабивкIун, бавцIуну бикIавай тIий. ХIатта ца хъамаличув хъун аву арулцIала идавс хъун аву куннассар. Амма цала шарда хъамалу уванмур дакъахъурча, къатIату тIалав дуллай, машан ласлай хъиннува харж буккан буллалавугу къалайкъссар. Цалва хIалданух урувгун, шарда думур хъхъичI дишаву хъинссар. Хъамаличувнащал цувагу щя ивкIун цаллагу дукаву хъинссар, цуксса увч-чуну ухъурчагу, мунаяр хъхъичI дукра къаритавугу къахъинссар, муналгу ламус хъуну укъавчунна къаьари-тан. Хъамаличувналгу цалла хъхъичI дирхъумуний рязийшиву дурну дукаву хъинссар. Ламус буллай, заллу дуки тIи аву къахъинссар. Залунналгу дукъаркуну къаитанна тIий, хъар-ду буллалавугу къахъинссар. Дукра духлаганцIа дукаву къахъинссар, залуннан ламус къахъун. Цалла хъхъичI дирхъусса дукралиягу читун, ккаччин зад дутавугу, ялун увкIан дулаву къалайкъссар, заллу рязий-ну личIантIишиву кIулну ухъурча акъа. Дукра дуркуну махъ хъиннува лахъигу къалаганссар. Дуркуну махъ дукралул залунная ихтир дакъа, му рязий акъанува ивзун лагавугу къахъ-инссар. Хъамаличувнал хIурматран му тIайла уккан хъулун уккавугу суннаттсар. Цаманал винма хъамалу дукралийн оьвккукун, лагавугу хъинссар, ссун-

наттсар, му ххуйсса тIабиаьтри. ХIатта суннат-зума дургъуну ухъурчагу, мугу риртун лагавугу-ма хъинссар, инава увкIун ччисса кIану бухъурча. Оьвккусса кIанайн лагаврил оьвккумагу ххари шайс-сар. Цувагу дакI хъунсса акъашиву кIул шайсар. Амма лайкъ бакъасса, чяхирду, хIантту хIачIаву, бувч-чу шаву, зюннав-дачIурду дусса, арамант ва хъами хIала-ккала къавтIисса, ссухIватру-гъайтру бусса, кIантIавун гъан къабучIиссар. Му-кунма, аваданмий, хъунимий личIи бувну оьвтIисса кIанайн гъангу къабучIиссар. Нажагъ лавгун, микку мий ишру лякъирча, бюхъарча бул-лан къабитанссар, байшун банссар, къабюхъарча лихъанссар. ХIарамсса хъуслил залуннал дукра дукав гъангу къабучIиссар. Бахилминнал дукра-лийн лагавугу къахъинссар. Бахил-турал дукра – загъури, сахаватлун-минналсса – даруври. Бунагъкарсса, оьсса инсанна хъамалушинна дурну дукра дулаву къахъинссар. Бюхъавай цалагу хъинманалсса дакъа мадукарача, цалламургу хъинманан дакъа мадуларача. УчIан къаччисса инсаннайн дукралийн оьвчавугу къахъинссар. Уссур-ссун-найн, гъанминнайн, чIаххуврайн, гъалмахтурайн, ччиминнайн хъхъичI оьвчавугу лайкъссар. Оьвккакуна хъамалу гъавугу дурус бакъассар. Дукра канай буна ялун лагавугу къахъинссар. ЧIарах на-ниманайн дукав оьвчавугу хъинс-сар. УвкIан зад дулаву хъинс-сар. Изну бакъана цаманал зад дукангу къабучIиссар, му рязийшиву кIулхъурча бакъа, масала, гъансса ягу ихтир дуллусса ивкIун. Хъамалу бувкIминнал хъхъичI дукра ччяни дишавугу хъинссар, цаннах-кIиннах ялугълай къариртун. Дукрагу ци-

няв архIал дишаву хъинссар, цанна ччимур дуканшиврул, ягу ххуймур хъхъичI дишинссар. Ахулсса духъурча, ми ччяни ляли-явай тIий хъхъичI дукаву хъинссар, дукралул ялун дукавунияр. Му маж-лисрай щя бивкIминнан диял хъунс-саннуяр ххишала хъунсса, хъиннура чIарусса дукра дишавугу къахъинссар. Махъминнансса, шапминнансса махъун дугъавугу хъинссар. ЛичIи-личIийсса рангирдайсса, пахрулул чIарусса дукраду дуллай исрафшиву дуллалавугу къалайкъссар. КIира-шанна жура духъурча гъассар. Мажлис-рай, хъамалу хъиннува лахъи лагавугу къахъинссар. Дуркукун бизаву хъинс-сар, махъ цаймигу ялугълай бухъурча. Хъамалушинна дикIайсса шанма гъантлийри. Шамма гъантIуяр ххиша-ла хъамалу оьвккусса кIанай ацIавугу къалайкъссар. Къатлул залуннал ита къааьклай, авцIуну ччай ухъурча, ацIан бучIиссар. Му чIумал, мунал тIайла укканнин ацIаву хъинссар. Хъамалурайн дукралийн оьвкуну, хIалалсса, нахIусса, хIарам хIала бакъасса мажлис бавугу суннаттсар, хъинну ххирассар. Хъуниминнал, хъинминнал, дин дусса агъулданул пиша, тIабиаьт мури. Ца ссахIлил дукралийн диндалул уссурвал цачIун бувну мажлис баву ххирассар, ца лагъ тархъан битавунияр. ХIатта, гъарца харж дурсса хъуслияту суал бантIиссар, Къиямасса къини. Амма мукунсса мажлисран харж дурмуни-ту къабантIиссар. Хаснува алимтурал, шейхтурал, суфийтурал, хъинминнал мажлисрай щя икIаврил мюнпатту хъунмассар. ДиркIусса дакIру утгара шайсар. Азарда ракааьт чаклил давунир му ххирассар. Расулулагъу ﷺ цалва асхIабтуращал щяивкIун мажлис бай-ва тIар, оьвкунингу лагайва тIар.

Васият

Васият бансса каши дусса, ивкIуну махъ варистуранссагу, ва-сиятранссагу хъус дусса инсаннал васият баву суннаттсар, цуксса чансса барчагу.

Хаснува, къашайманал барча хъин-нува хъинссар, Аллагънал ﷻ цIими гъарза шайсар. Сагъну уна, къашай хъуннин бавугу хъинссар. ХIатта, хъхъувай утту ишайний цалва васият-аманат чивчуну бакIралу бишинссар, кIюрххилнин ивкIуну къабувна къаличIан. ХIатта, васият къабувна ивкIусса инсан хIатталлив лавсун нан бивкIукун, хIатталлул агъулданул мунайн нааьна дуллан бикIайссар тIар, бувну ивчIарча аьфву байссар. Цайва цаманал хIакъ ливчIсса ухъурчарив, му хIакъ тIайла буккира куну васият баву ялувссар. Масала, закат ялувсса ивкIун, хIаж ялувсса ивкIун, ялуршин-бурж бусса ивкIун. Мюрщисса оьрчIру бусса ухъурча, ца вакил увну миннах ургу увкуну, васият биттур бан-ма увчIавугу суннаттсар. Васият биттур банма васиятрал залуннал увчIуну акъахъурча, къадийнал, имамнал ккаккан анссар. Шанма бутIул ца бутIуяр ххишаласса хъус васият давугу къахъинссар. Мунир хъиннура чан давугу къахъинссар.

Хъамалу мажлисрай щя бикIаврил адабру

Мажлисрайн бавтIмий цала-цала дара-жалий цал хъун-хъунма щябикIайссар, лувату къабизлан цаман ялун увххукун. Най буна цала-цала манзилданий щя бикIавугу хъинссар. ЩябикIайнигу къуману щя къабивкIун, гъартану щя бикIаву хъинссар. Мажлис гъартас-сакса ххуйссар, рахIатшиву хъуннас-сар. Гъарца мажлисрай щя ивкIмагу адабрай, иминну хъуниминнах вичIилий, гъалгъарду гъарза къабул-лай, ихтилат чIару къадуллай, пара-къатну икIаву ххуйссар. Цува щя ивкIсса къатлувусса маж-лисрайсса цаманал хъуслих уруглай, минний мяш къанахъавугу къахъинс-сар. ХъхъичIун урувгун икIаву хъинс-сар. Дукралух щябивкIсса чIумал дукаврил адабру дуроччавугу ххуйс-сар. Канакиминнах къауруганссар. ХъхъичIун урувгун цалла хъхъичIа кананссар. Хъунаманал «бисмиллагъ» баннин къабайбишинссар. Дукралуя дакI махъуннай хъунсса оьккисса ихтилат къабанссар. ХIачIлачIисса хIачIиялул къуругу хъунаманая тIайла хъуну урчIамур чулухунмай нани банссар. Мий кукна цайми циняв адабругу дуроччинссар. ХIалалсса, нахIусса, бунагъ къахъунсса, мюнпат бусса ихтилатту данссар, ссихI дакъа щякъабивкIун. Нажагъ бунагъ хъунс-са гъибат-бугътан хIаласса ихтилат хъурча, ва дуаьлул махъругу учинс-сар шамийIва, мажлисрай изаннин: «СубхIанакаЛлагъумма ва бихIамдика. Ашгъаду алля илягъа илля анта астагъ-фирука ва атубу илайка. аьмилту суан, заламту нафсий. фагъфирлий, фаин-нагъу ла ягъфиру-ззунуба илла анта». Ва дуаьлул мажлисрай хъусса буна-гъирттал аьфву байссар.

«НасихIатуль-аьвам» («ГъунчIукъатIан»)

Тун бикIай дуняллий жунма щяйтIант къачIалачIиссар, миннун жува чIалачиссару, ахиратлуву жунма ми чIалантIиссар миннун жува къачIалантIиссару. Му тIайлассарив?

Ибн ХIажар аль-Гъайтами тIисса хъунасса аьлимчунал укунсса жаваб дуллау ур му суалданухъун: «Циняв малаиктал Алжаннаву бикIантIиссар, циняв щяйтIант – дуржагъраву, инсантал ва жиндри дуняллий ва ахиратлуву дацIу бикIантIиссар. Алжаннаву жунма жиндри чIалантIиссар, миннун жува къачIалантIиссару».

Магъар мизитраву къабиширча, му хIисав бакъассар тIий бавссар. Му тIайлассарив?

Магъар бишин бучIиссар ччарча мизитраву, ччарча шаппа, ччарчагу цамур кланай, так магъарданул цинярда шартIру щаллуну биттур дуллау бухъурча.

Тгун бавссар бунагъру бусса иснаннал тавбалун байсса чак бикIайссар тIий. Му чак байсса куц кIул хъун ччива.

«ФатхIул-аьлям» тIисса луттираву бур Аьли-асхIаблул бувсъсса хIадис: «Тгухъ бувсуна Абубакар Сиддикънал цанма Идавсияту бавмур: «Бунагъ бувсса инсан чаклингу ивссуну, кIира ракаагъ чаклилу дурну, Аллагънахъ цала ялтту учIу куну дуаь дарча, Аллагънал мунал бунагъру багъишла битантIиссар», – тIисса. Мунияту жунмагу хъинсар бунагъ бувтари му чак буварча. Муниин ниятту дайссар: «На ният дував суннатсса тавбалул чаклил кIира ракаагъ дан», – куну.

Шариатрайн бувну хIайван цукун биххан аьркинссар?

ХIайван биххайма бусурмансса, кIулли дусса икIан аьркинссар. Балугъ къавхъусса оьрчал бивххумургу букан бучIиссар, му оьрчI чанссарагу кIулли-тамиз бусса ухъурча. БакIрал сакъатманал, увччу хъуманал, бунагъкарнал бивххумургу бучIиссар. Хъамитайпалул бивххумургу букан бучIиссар, чак ливчIун буна биххарчагу. МурчIиманал бивххумур букан карагъатрссар, къахъинссар. Чапурчувнал бивххумур букан къабучIиссар, хIарамссар.

ХIайван биххайсса куц

Киямур чул лувну, Къиблалийн лажинну бутанссар, урчIамур ччан личIаннин махъмий ликригу дархIуну, ягу дургъуну. Яла урчIамур канил чIила дургъуну, киямунил хъютI бувгъуну, хъютIличIан гъанну биххайссар. Къиблалийн лажинну бутан къабюхълай бухъурча, бюхъайсса куццуй биххайссар. Биххайни «Бисмиллагъи рахIмани рахIим» увкуну, ссалаватгу дутайссар. Биххайсса чIилагу дайлсса дикIаву хъинссар, цакуну риртун ссурсу ва къакъари къукъиншиврул. Къуркъассаннух биххаву къахъинссар. Бивххуну махъ ссаннугу итадакъайссар. Бурчу ликканнин дарвачу къашюшайссар. Ливккун махъ щалва оьттуца марчI байссар шювшюну.

Инсан хъхъичIух гъарча чак зия шайссарив?

ХъхъичIух инсан лагаврийну чак зия къашайссар, амма чак буллалиманал цалла хъхъичI ци-дунугу диширча хъинссар, муниин «сутрат» учайссар. ХъхъичIвахъхъичI хIарачат бан аьркинссар чIирачIа ягу ттурцIачIа ацIан (масала, мизитраву чак буллалиманал чIумал), мукун къабюхъарча, цалла хъхъичI ттархъ ягу аьсав аьвщаравун къутIайссар, мукунгу къабюхъарча, сутратну шайсар чаклилунасса Чак буллалиманал ва ганал сутратрал дяних уккан къабучIиссар, хIарамссар.

ОьрчIру хъуни хъувкун, гайнан мюрци хъусса янна ччуччин бучIиссарив?

Дух хъусса янна ччуччирча бунагъ бакъассар, амма утигу лаххан шайсса тагъарданий духъурча, мискинтуран дулурча хъинссар. Жула МухIаммад Идавсилгу цанна цIусса янна ласайхтту, духмур миски-гъаривнан дулайсса диркIссар. Жувагу мукун булларча чири хъунтIиссар.

Вечернее отделение

Дагестанского Исламского университета имени шейха Мухаммад-Ариффа

Все желающие получить духовное образование без отрыва от производства или учёбы могут бесплатно обучаться на вечернем отделении ДИУ. Получив исламские знания, Вы принесете в свои дома и общество неиссякаемый свет добра, исходящий от Ислама. Это поможет Вам совершать благие деяния.

На учёбу принимаются все желающие (от 14 лет) на основе собеседования. Мужчины и женщины будут проходить обучение раздельно.

Срок обучения:

Программа трехгодичная. По завершении учебы желающие зачисляются на дневное отделение ДИУ.

Необходимые документы:

- ✓ Фотография 3x4 – 2 шт.;
- ✓ Копия паспорта.

Обращаться по адресу: г. Махачкала, ул. Дахадаева 136, Дагестанский Исламский университет им. шейха Мухаммад-Ариффа (на территории Центральной джумамечети).

ДУАЪ

ШАНАН УТТУ ИШАЙССА ЧУМАЛ ДУККАЙССА ДУАЪ

اللَّهُمَّ إِنِّي أَسْلَمْتُ وَجْهِي لِلدِّينِ ، وَفَوَضْتُ أَمْرِي لِلدِّينِ ، وَاللَّجَأْتُ ظَهْرِي لِلدِّينِ ، وَرَغَبْتُ وَرَهْبَةً لِلدِّينِ
لا مَلْجَأَ وَلَا مَنجَى مِنْكَ إِلَّا لِلدِّينِ ، أَمَنْتُ بِكِتَابِكَ الَّذِي أَنْزَلْتَ وَبِنَبِيِّكَ الَّذِي أَرْسَلْتَ

Аллагъумма инни аслямту важгъий иляйка, ва фаввазту амрий иляйка ва альжазту загърий иляйка рагъбатан ва рагъбатан иляйка. Ля мальджаа ва ля манджа минка илла иляйка. Аманту би-китабика-лязи анзальта ва би-набиййика-лязи арсальта

ХХИРАССА БУККУЛТ!

НАЙ ДУССАР 2014-КУ ШИНАЙНССА "АС-САЛАМ" ККАЗИТРАЛ ПОДПИСКА.

**ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА ГЪАРЦА РАЙОННАЙССА ЖУЛ ВАКИЛТУРАЙХЧИН.
ККАЗИТ ЧИЧАВРИЛ ВА БИАН БАВРИЛ ХIАКЪИРАВУ
ОБВЧИН БЮХЪАНТИССАР ВА НОМЕРДАНИЙН**

+7-988-307-04-03

АЛЛАГЪНАЛ КУМАГ БАННАВ!

ХIурмат бусса уссурвал ва ссурвал!
Зунма цIуххин ччисса,
ИсламрацIун, ШариатрацIун,
кулпатрал багъу-бизулуцIун бавхIусса ва цаймигу суаллу гъан бан бюхъайссар SMS – райхчин 8-928-580-37-89 номерданийн, ягу 51-85-22 номерданийн оьвкуну цIуххин.
e-mail: assamlak@mail.ru

Рузнама

Январь

Къни	КIорххил чак	Баргъ букваву	Ахтгайн чак	Ахтгакъун чак	МаркIачIан чак	ХъатIан чак
1	6:31	8:16	12:53	15:08	17:28	19:02
2	6:31	8:16	12:53	15:09	17:29	19:03
4	6:31	8:16	12:54	15:11	17:32	19:04
6	6:31	8:16	12:55	15:13	17:33	19:06
8	6:31	8:16	12:55	15:14	17:34	19:08
10	6:31	8:16	12:56	15:16	17:36	19:09
12	6:31	8:16	12:57	15:18	17:38	19:11
14	6:31	8:16	12:58	15:20	17:41	19:13
16	6:31	8:14	12:58	15:21	17:43	19:14
18	6:31	8:13	12:59	15:24	17:46	19:17
20	6:30	8:12	13:00	15:26	17:49	19:19
22	6:28	8:09	13:00	15:28	17:51	19:20
24	6:27	8:08	13:01	15:30	17:54	19:22
26	6:26	8:06	13:02	15:32	17:56	19:23
28	6:25	8:05	13:02	15:34	17:59	19:26
30	6:24	8:03	13:02	15:36	18:01	19:27